


RECTOR ET SENATUS ACA- DEMIÆ ROSTOCHIENSIS.



Cademijs duo summa & precipua officia divinitus commendata esse scimus, quorum alterum in propaganda Doctrina generi humano necessaria, alterum in Disciplina bona atq; honesta constituenda conservandaq; consistit. Utrumq; verò certis legibus regi necesse est. Nam verissimum est, quod vulgo dici solet, omnes licentia deteriores fieri. Quocirca viri prudentes sibi ipsis Leges faciunt & prescribunt, quas communem Reipublica sponsionem magnus Papinianus appellat, quasi commune placitum voto, consensu & velut sponsione stabilitum, idq; tantum abest, ut de fide & dignitate eorum, qui sibi Leges constituant, & poenis vel multis adscriptis confirmant, quicquam detrahant, ut magis autoritatem & dignitatem illis attribuat & addat, cum legibus regimen suum submittere ipso imperio majus sit, uti praeclarè Theodosius & Valentinianus rescriperunt. Id nobiscum considerantes & expidentes, Leges infra scriptas communii Reipublica nostra sponsione fecimus, easq; nunc publicamus, ne quem illarum ignoratio teneat, & ut de fide ac diligentia, quam Professores in docendo ac disputando praestabunt, publicè constet.

Prima Lex.

Lectiones publicæ diebus ordinarijs instituuntur, & singuli Professores omnium Facultatum ad minimum lectiones quinquaginta singulis semestribus recitabunt? & si quid diebus ordinarijs neglectum sit, id diebus extraordinarijs resarcient & supplebunt. Pro intermissione singulis Lectionibus thalerum solvent. Cum emeritis, morbo sotico oppressis, vel Reipub. causâ absentibus, pro ut Reverendo Concilio visum fuerit, dispensabitur.

II.

Disputationes anniversariæ in singulis Facultatibus secundum earum ordinem quotannis habebuntur, & qui ea in re negligens fuerit, decem thaleris multa habbitur. Emeritis, morbo sotico impeditis, vel Reipub. causâ absentibus, per substitutum ejusdem Facultatis Professorem ex Reverendi Concilij decreto, super ea re interpolito, disputare licebit.

III.

Disputationes Iuridicas menstruas Facultatis Iuridicæ Professor junior habebit, sub multâ octo thalerorum, pro intermissione singulis disputationibus solvenda.

IV.

In alijs quoq; Facultatib. prout earum Decani constituent, disputationes publicæ crebriores interponentur.

V.

Lectiones & disputationes privatæ non solis Professoribus publicis, sed & alijs Doctoribus & candidatis, qui eruditionem suam reverendo Concilio, vel Facultatum Decanis testatam fecerunt, diebus & horis illis, quibus publicè non docetur, permittæ erunt. Imò Doctores, Licentiati, & Magistri, qui in Professorum numero non sunt, neq; lectiones publicas audiunt, si membra Academiæ esse, & privilegijs uti fruj velint, singuli singulis Semestribus unam ad mi-

HAS Leges ad gloriam DEI, pro dignitate & salute Academiæ nostra, in studiosorum utilitatem scriptas singulis Semestribus, quando Leges Academia visitato ac recepto more proponentur, simul recitari non solum jubemus, sed & eas operi effectui trademus, invocato ad id auxilio Spiritus Sancti, sine cuius numine nihil est in homine, nihil est immixtum. P.P. Rostochij XXIV. Octobris. Anni 1604.

nimum disputationem habebunt, vel materiam aliquam Theologicam, Iuridicam, Medicam, aut Philosophicam ex Decanorum præscripto diebus extraordinarijs explicabūt, & ad quosvis actus publicos accedent, sub poenâ arbitrariâ.

VI.

Theses disputationum exhibebuntur breves, nervosæ, graves, ex ipsis doctrinarum & artium fontibus petitæ, nullisq; vel paucis tantum allegationibus confirmatæ.

VII.

Disputationes ultrâ horam duodecimam non producentur, nisi pro gradibus conferendis instituantur; quas velut publicum examen longius extendi necesse est. Erit tamen in arbitrio & potestate Decani circa meridiem disputationem abrumpere, & post ad eandem reverti, illamq; absolvere.

IX.

Studio si opposituri è regione Cathedræ considerbunt, & singuli tria vel quatuor argumenta, formis Dialecticis inclusa proponent, & tum sequentibus disputationi locum dabunt.

X.

Finito quolibet semestri ante diem Tiburtij, & Dionisij, Decani singularum Facultatum Professores, Doctores, Licentiatos, & Magistros ad se vocabunt & mandabunt, ut singuli sub jurando, quo Academiæ devincti sunt, indicent & affirment, utrum Lectionum & disputationum numerum absolverint nec nè? De toto negocio ijdem Decani in sequente die Tiburtij & die Dionisij ad Magnificum pro tempore Rectorem & Reverendum Concilium sub poena arbitraria referent.

Mulæ ex singulorum Professorum in hasce Leges delinquentium salario deducentur, ab aliis officium suum non facientibus, viâ executivâ petentur, & in Fiscum Academiæ dabuntur, atq; in usus necessarios & vtiles, ex Reverendi Concilij decreto conferentur.

Academiæ nostra, in studiosorum utilitatem scriptas singulis Semestribus, quando Leges Academia visitato ac recepto more proponentur, simul recitari non solum jubemus, sed & eas operi effectui trademus, invocato ad id auxilio Spiritus Sancti, sine cuius numine nihil est in homine, nihil est immixtum.